

ხელშეკრულება
სახელმწიფო შესყიდვის შესახებ #05-21

ქ. თბილისი

14 ივნისი 2017წ.

ერთის მხრივ სსიპ „სახელმწიფო სერვისების განვითარების სააგენტო“ (შემდგომში „შემსყიდველი“) წარმოდგენილი მისი მხარდაჭერის დეპარტამენტის დირექტორის ნინო ინჭიკიშვილის სახით და მეორეს მხრივ, შპს „ბი-სი-ჯი კვლევა“ (შემდგომში „მიმწოდებელი“) წარმოდგენილი დირექტორის ანა თარხნიშვილის სახით, „სახელმწიფო შესყიდვების შესახებ“ საქართველოს კანონის და პრეტენდენტის სატენდერო წინადადების საფუძველზე, გამარტივებული ელექტრონული ტენდერის (SPA170007430) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

2. ხელშეკრულების საგანი

- 2.1 სსიპ „სახელმწიფო სერვისების განვითარების სააგენტო“ მიერ, საზოგადოებრივი ცენტრების ვებ-გვერდის განვითარების კვლევის (CPV79300000) მომსახურების შესყიდვა.
- 2.2. გასაწევი მომსახურების აღწერილობა განისაზღვრება **დანართი N2-** ის შესაბამისად, რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

3. ხელშეკრულების ღირებულება

- 3.1. ხელშეკრულების ღირებულება შეადგენს 11875 (თერთმეტი ათას რვაასსამოცდათხუთმეტი) ლარს.
- 3.2. ხელშეკრულების ღირებულება მოიცავს ხელშეკრულებით გათვალისწინებული შესყიდვის ობიექტის მოწოდებასთან დაკავშირებულ მიმწოდებლის ყველა ხარჯს, მათ შორის, საქართველოს კანონმდებლობით გათვალისწინებულ გადასახადებს, გარდა დღგ-სა პროექტი განთავისუფლებულია დღგ-სგან ჩათვლის უფლებით.
- 3.3. გასაწევი მომსახურების ერთეულის და საერთო ფასი მოცემულია „ფასების ცხრილში“ (დანართი N1), რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

4. ხელშეკრულების შესრულების კონტროლი

- 4.1 ხელშეკრულების შესრულების კონტროლს ახორციელებს სახელმწიფო სერვისების განვითარების სააგენტოს პროექტი „საჯარო სექტორის განვითარების ხელშეწყობა ცენტრალურ და ადგილობრივ დონეზე სერვისების ეფექტური მიწოდების გზით“ დირექტორი ნინო კვერნაძე და პროექტის „მიგრაციის საკითხთა სამთავრობო კომისიის მდგრადი და ეფექტიანი ფუნქციონირების ხელშეწყობა“ - საზოგადოებრივი ცენტრები და ელექტრონული მმართველობა კომპონენტის პროექტის მენეჯერი მარიამ მაგნიძე და პროექტის „მიგრაციის საკითხთა სამთავრობო კომისიის მდგრადი და ეფექტიანი ფუნქციონირების ხელშეწყობა“ - საზოგადოებრივი ცენტრები და ელექტრონული მმართველობა კომპონენტის ხარისხის უზრუნველყოფის სპეციალისტი დავით ახვლედიანი, ხოლო ხელშეკრულების პირობების შესრულების კონტროლს განახორციელებს შესყიდვების სამსახურის მთავარი სპეციალისტი გიორგი მესხი.
- 4.2 შემსყიდველი ორგანიზაცია უფლებამოსილია აწარმოოს გაწეული მომსახურების ხარისხის და მოცულობის ინსპექტირება ხელშეკრულების მოქმედების ნებისმიერ ეტაპზე.

5. შესყიდვის ობიექტის მიწოდების ვადა და ადგილი

- 5.1. მომსახურების გაწევა განხორციელდება ერთ ეტაპად, ხელშეკრულების გაფორმებიდან არაუგვიანეს 5 კვირის ვადაში.

5.3. ხელშეკრულების დამდებ არცერთ მხარეს არა აქვს უფლება შეიტანოს შესყიდვის ობიექტის მოწოდების პირობებში ცვლილებები ურთიერთშეთანხმების გარეშე.

6. შესყიდვის ობიექტის მიღება ჩაბარების წესი

6.1 შესყიდვის ობიექტის მიღება-ჩაბარება ფორმდება მიღება-ჩაბარების აქტით.

6.2 მიღება-ჩაბარების აქტი მხარეთა შორის გაფორმდება მომსახურების გაწევის შემდეგ, მოწოდების შესაბამისად, შემსყიდველის მიერ განსაზღვრული ხელშეკრულების შესრულების კონტროლის განმახორციელებელი პირ(ებ)ის მიერ.

7. ანგარიშსწორების ფორმა, ვადები და პირობები

ანგარიშსწორება მოხდება უნაღდო ანგარიშსწორებით, ეროვნულ ვალუტაში – ლარში, მხარეთა შორის გაფორმებული მიღება-ჩაბარების აქტისა და მიმწოდებლის მიერ წარმოდგენილი ანგარიშ-ფაქტურის (კანონმდებლობით გათვალისწინებულ შემთხვევაში) საფუძველზე. დოკუმენტების სრულყოფილად გაფორმებიდან არაუგვიანეს 20 (ოცი) საბანკო დღის განმავლობაში.

8. პირგასამტეხლო ხელშეკრულების პირობების შეუსრულებლობისათვის

8.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მიმწოდებელს შესაძლებელია დაეკისროს პირგასამტეხლო, ყოველ გადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

8.2. მიმწოდებლის მიერ ხელშეკრულებით ნაკისრი ვალდებულებების არაჯეროვანი შესრულების შემთხვევაში, მიმწოდებელს შესაძლოა დაეკისროს პირგასამტეხლო, ყოველ ასეთ ჯერზე ხელშეკრულების ღირებულების 1%-ის ოდენობით.

8.3. მიმწოდებლის მიერ ხელშეკრულებით ნაკისრი ვალდებულებების შეუსრულებლობის მიზეზით ხელშეკრულებიდან გასვლის შემთხვევაში შესყიდველს უფლება აქვს დააკისროს პირგასამტეხლო ხელშეკრულებით გათვალისწინებული მთლიანი ღირებულების 10%-ის ოდენობით.

8.4. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მიმწოდებელი უფლებამოსილია შემსყიდველს დააკისროს პირგასამტეხლო, ყოველ გადაგადაცილებულ დღეზე ხელშეკრულების ღირებულების 0,1 %-ის ოდენობით.

8.5. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველს უფლება აქვს შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

8.6. პირგასამტეხლოს გადახდა არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან.

9. მხარეთა უფლება-მოვალეობანი

9.1. „მიმწოდებელი“ ვალდებულია:

9.1.1. უზრუნველყოს მომსახურების გაწევა წინამდებარე ხელშეკრულების პირობების და დანართი N2-ის შესაბამისად.

9.1.2. უზრუნველყოს შემსყიდველის მიერ ჩატარებული შესყიდვის ობიექტის ინსპექტირების შედეგად გამოვლენილი ნაკლის აღმოფხვრა, ასეთი ნაკლის აღმოჩენიდან გონივრულ ვადაში, გამოსასწორებელი ნაკლის შინაარსის და მოცულობის გათვალისწინებით.

9.2. „შემსყიდველი“ ვალდებულია უზრუნველყოს მიმწოდებლის მიერ ფაქტობრივად გაწეული მომსახურების ღირებულების ანაზღაურება ხელშეკრულების პირობების შესაბამისად.

9.3. „მიმწოდებელს“ უფლება აქვს:

9.3.1 მოითხოვოს ფაქტობრივად გაწეული მომსახურების ღირებულების დროული და სრული ანაზღაურება ხელშეკრულების პირობების მიხედვით.

9.4. „შემსყიდველს“ უფლება აქვს:

9.4.1 აწარმოოს გაწეული მომსახურების ხარისხის და მოცულობის კონტროლი.

10. კონფიდენციალობის დაცვა

10.1 კონფიდენციალური ინფორმაცია, რომელიც მეორე მხარისთვის ცნობილი გახდა ხელშეკრულების შესრულებისას, არ ექვემდებარება მესამე მხარისთვის გადაცემას ან გამოქვეყნებას მეორე მხარესთან შეთანხმების გარეშე. აღნიშნული ინფორმაციის გავრცელების შემთხვევაში, სახელშეკრულებო პირობის დამრღვევ მხარეს ეკისრება პასუხისმგებლობა კანონმდებლობის შესაბამისად.

15.1. ხელშეკრულება შედგენილია ქართულ ენაზე, ორი ეგზემპლარად და თითოეულ მათგანს თანაბარი იურიდიული ძალა აქვს.


15.2. ხელშეკრულების ერთი ეგზემპლარი ინახება მიმწოდებელთან, ერთი – შემსყიდველთან.

16. მხარეთა რეკვიზიტები

შემსყიდველი

სსიპ სახელმწიფო სერვისების განვითარების
სააგენტო წარმოდგენილი მხარდაჭერის
დეპარტამენტის დირექტორის
ნინო ინწკირველის სახით,
იურიდ/ფაქტ. მის: ქ. თბილისი,
აკ. წერეთლის გამზ. №67ა,
საბანკო რეკვიზიტები: სახელმწიფო ხაზინა
BIC კოდი: TRESGE22,
ა/ა GE24NB0330100200165022
ს/კ 202307404

ნინო ინწკირველი



მიმწოდებელი

შპს „ბი-სი-ჯი კვლევა“
წარმოდგენილი დირექტორის
ანა თარხნიშვილის სახით,
მის: ქ. თბილისი,
წინამძღვრიშვილის ქ. #10
საბანკო რეკვიზიტები: სს „ბაზისბანკი“
BIC კოდი: CBASGE22,
ა/ა GE19BS0000000012336863
ს/კ 202209029

ანა თარხნიშვილი



დანართი №1

ფასების ცხრილი

პრეტენდენტის დასახელება - შპს "ბი-სი-ჯი კვლევა"

N	მომსახურების დასახელება	რაოდენობა/განზომილების ერთეული	საერთო ღირებულება
1	საზოგადოებრივი ცენტრების ვებ- გვერდის განვითარების კვლევა	ერთი ეტაპი	11875 ლარი

პრეტენდენტის უფლებამოსილი პირის ხელმოწერა და ბეჭედი



ტექნიკური დავალება

1. შესყიდვის ობიექტი: საზოგადოებრივი ცენტრების ვებ-გვერდის განვითარების კვლევა

2. რაოდენობა: ერთი ეტაპი

3. კვლევის ჩატარების პერიოდი: ხელშეკრულების გაფორმებიდან 5 კვირის ვადაში.

4. გასაწევი მომსახურების აღწერილობა:

4.1. კვლევის მიზანი:

- საზოგადოებრივი ცენტრების კონცეფციის ფარგლებში, საზოგადოებრივი ცენტრების არსებული ვებ-გვერდის განვითარების კვლევა. კონკრეტულად კი, ვებ-გვერდის დიზაინსა და ვიზუალის შეფასება და ვებ-გვერდზე არსებული და განთავსებადი საჭირო და სასურველი ინფორმაციის განსაზღვრა;

4.2. კვლევის ამოცანები:

- საზოგადოებრივი ცენტრების ვებ-გვერდის შეფასება:
 - ვებ-გვერდზე განთავსებული იმ სერვისების იდენტიფიცირება, რომლებიც ყველაზე ხშირად ან ნაკლებად მოხმარებადია;
 - ვებ-გვერდის დიზაინსა და ვიზუალის შეფასება;
 - ვებ-გვერდზე არსებული სერვისების შინაარსობრივი მხარის შეფასება;
- ადგილობრივი მოსახლეობისთვის, საზოგადოებრივი ცენტრების ვებ-გვერდზე განთავსებადი საჭირო და სასურველი ინფორმაციის განსაზღვრა;
 - ახალი სერვისების/ინფორმაციის იდენტიფიცირება და არსებული სერვისების საჭიროების შეფასება.

4.3. აუცილებელი მოთხოვნები და ინფორმაცია კვლევის მეთოდოლოგიასთან მიმართებაში:

- მეთოდი-თვისებრივი კვლევა:
 - კვლევის ტექნიკა - ფოკუს-ჯგუფის დისკუსია (მინიმუმ 8 რესპონდენტი თითოეულ საზოგადოებრივ ცენტრში) რესპონდენტებს უნდა ჩაუტარდეთ საზოგადოებრივი ცენტრების ვებ-გვერდის (centri.gov.ge) პრეზენტაცია; პრეზენტაციის ჩატარება უნდა უზრუნველყოს მიმწოდებელმა ორგანიზაციამ, რომელსაც თავის მხრივ, ვებ-გვერდის შესახებ ინფორმაციასა და სახელმძღვანელოს გადასცემს შემსყიდველი მხარე;
 - კვლევის არეალი - 4.4. - ში მითითებული დასახლებები;
 - შერჩევის ზომა - მინიმუმ 1 ფოკუს-ჯგუფის დისკუსია თითოეულ კვლევის არეალში. მთლიანობაში, მინიმუმ 8 ფოკუს-ჯგუფი კვლევის არეალის მიხედვით და მინიმუმ 64 ადგილობრივი მოსახლის ჩართულობით;
 - სამიზნე სეგმენტი - 18 წლის და უფროსი ასაკის ადგილობრივი მოსახლეობა საზოგადოებრივი ცენტრების მდებარეობის არეალის მიხედვით;
 - ინტერვიუების ჩატარების ადგილი - შერჩეულ დასახლებებში განთავსებული საზოგადოებრივი ცენტრების შეხვედრების ოთახი;
 - ხანგრძლივობა - 1,5 საათი.

4.4. კვლევის არეალს წარმოადგენს შემდეგი დასახლებები:

1. ლენტეხი
2. ჩაქვი
3. სადახლო
4. ყვარელწყალი
5. დიდი ჯიხაიში
6. ორსანტია
7. ბარალეთი
8. ბერძენაული

5. კვლევის განხორციელების პროცესში და შემდეგ ჩასაბარებელი დოკუმენტაცია

- 5.1. კვლევის ინსტრუმენტი (ფოკუს ჯგუფის სახელმძღვანელო) - კვლევის ინსტრუმენტი საველე სამუშაოების დაწყებამდე შეთანხმებული უნდა იყოს შემსყიდველთან;
- 5.2. ფოკუს ჯგუფის ტრანსკრიპტი, რესპონდენტების ანონიმურობის დაცვით;
- 5.3. ანგარიში კვლევის შედეგების შესახებ:
 - 5.3.1. კვლევის შედეგები - ანალიტიკური და გრაფიკული ანგარიში დასკვნებით და რეკომენდაციებით (Word და PP ფორმატში ქართულ და ინგლისურ ენაზე);
 - 5.3.2. კვლევის შედეგების პრეზენტაცია (PP ფორმატში ქართულ ენაზე);
- 5.4. ჩასაბარებელი დოკუმენტაცია წარმოდგენილი უნდა იყოს ელექტრონულ მატარებელზე ჩაწერილი, კვლევის შედეგები კი წარმოდგენილი უნდა იყოს როგორც ელექტრონულ მატარებელზე ჩაწერილი, ასევე ამობეჭდილი/აკინძული სახით A4 ფორმატზე.